



XXXIII. Lazkao Txiki Bertsopaper Lehiaketako sarituak.

***Birigarroa zugaitzean da
xoxoa sasi onduan,
gaur goizeane eginahalean
hor ari ziran kantuan.
Kukua berriz zugaitzik zugaitz
kuku hemen da kuku han
kalendario gabe badaki
noiz etorri ta noiz juan.***

(Lazkao Txikik kukuari)



LAZKAO TXIKI

**XXXIV. BERTSOPAPER LEHIAKETA
2025. urtea**

Antolatzailea:
ARGI-BERRI Elkarte

Laguntzailea:
ORDIZIAKO UDALA

LAZKAO TXIKI XXXIV. BERTSOPAPER LEHIAKETA

Bertsolaritza goraka ari da... Duela urte batzuk pentsatzen ez genituen pauso eta urrats berriak eman dira bertsolaritzaren inguruan. Bertsolaritza eta bertso-zaletasuna parez pare doaz aurrera eta hala behar, batek bestearen beharra baitu aurrera egitekotan.

Guk ere hasi ginenean ez genuen pentsatzen gauzek hain bide bizkorra eraman behar zutenik. Joxe Mielen babesa bilatu genuen, bera baitzen une hartan Goierriko bertsolaririk ezagunena. Esan ere halaxe genioen hasi berri hartan: "izan ere Lazkao Txiki izan da eta da oraindik bertsolaritzaren ispilu eta eredu paregabea goierritarrontzat eta berak eta beraren lanak azaltzen dizkie ongien gaurko gazteei bertsolaritzaren itzal-argiak". Baina laster joan zitzaigun Joxe Miel. Hasi eta hurrengo urtean bertan umezurtz utzi gintuen. Joxe Miel joan bazitzaigun ere guk geuretzat nahi dugu bere itzala eta hasi bezala bere izenean jarraituko dugu lanean.

Gizon handia bihurtu da Lazkao Txiki txikia. Haren aipamena handia da, zabala da. Bizitan hain txikia, hain eskasa zirudien hura, hil zen eta gizon aipatua eta famatua bilakatu zaigu. Guk ere ez daukagu saltzeko, jakina. Eta hasiera hartan genioen bezala bera aurkeztu nahi dugu bertsolaritzaren eredu bezala.

Joxe Miel joan bazitzaigun ere, zutik dirau haren ereduak. Eta horixe da gure zeregina, horixe da nahi duguna. Joxe Mielen izpiritua, euskal izpiritua, bertsolari izpiritua, txertatu nahi dugu ernaltzen ari diren muin berrietan. Horixe da gure helburua, horixe dugu gure helmuga.

Enbor zaharra landare berriek bakarrik ordezkatu dezaketela esaten genuen. Eta horixe da gu guztion zeregina. Landare berriak sustatzea, zaintzea... Asmo horrekin sortu genuen Bertso Eskola eta horixe bera da gure lehiaketa honen helburua.

Guk ere sarreran aipatzen genuen aurrerakadaren, berrikuntzaren partaide izan nahi dugu. Guk ere gure alea jarri nahi dugu. Gure ekimenak balioko al du guztion ekimena laguntzeko, bultzatzeko, sustatzeko, eta sendotzeko.

ANTOLAKETA

Lehiaketa hiru mailatan banatzen dugu:

- **Gaztetxo maila:** 13 urte artekoentzat (2025ean 14 betetzen ez dituztenentzat).
- **Gazteen maila:** 14-18 urte artekoentzat (2025ean gutxienez 14 urte eta gehienez 18 urte betetzen dituztenentzat).
- **Helduen maila:** 2006an edo aurretik jaiotakoentzat.

LANAK

- **Gaztetxo mailan,** parte hartzaile bakoitzak nahi adina bertsopaper bidali ditzake. Bertsopaper bakoitzeko idatzi beharreko bertsoak gutxienez 2 eta gehienez 4 izango dira.
- **Gazte eta Helduen mailetan,** berriz, parte hartzaile bakoitzak nahi adina bertsopaper bidali ditzake. Bertsopaper bakoitzeko idatzi beharreko bertsoak gutxienez 8 eta gehienez 12 izango dira.

GAIA

- **Gaztetxo mailan,** neurria eta doina libreak izango dira, ez ordea gaia. Gaia "EUSKARALDIA. ELKAR MUGITUZ EGINGO DUGU!" izango da.
- **Gazte eta Helduen mailetan,** berriz, gaia, neurria eta doina bezala, librea izango da, bakoitzaren aukerakoa.

HELBIDEA

Lanak, e-posta bidez, helbide honetara bidaliko dira: bertsoakargiberri@gmail.com

EPEA

Lanak **2025eko uztailaren 1erako** bidaliko dira aurretik aipatu helbidera.

BALDINTZAK (guztiekin bete beharrekoak)

- Bertsoek jatorrizkoak, argitaratu gabek eta beste lehiaketa batean saritu gabekoak izan behar dute.
- Lanak **izenordez bakarrik** sinatuko dira. Izenorde hori bertso sortaren barrenean jartzea hobeto. Eta **izenordearekin bakarrik bidaliko zaizkigu**. Izenorde horrek guztiz ezezaguna izan behar du.
- Bertso bakoitzari bere **ordena-zenbakia** jarriko zaio.
- Ezinbestekoa da, bestalde, bertso sorta bakoitzaren doina izenburuaren ondoan zehaztea.
- Mezu berean alde batetik **bertsoak** eta bestetik **egilearen datuak** bidaliko dira.

SARIAK

Sari hauek jasoko dituzte: (garaileek **TXIKI-a bana jasoko dute**).

Gaztetxoek:		Gazteek:		Helduek:	
1.ak	200 euro	1.ak	300 euro	1.ak	500 euro
2.ak	100 euro	2.ak	200 euro	2.ak	400 euro
3.ak	50 euro	3.ak	100 euro	3.ak	300 euro

Oharra: diru-sariei legez dagozkien atxikipenak egingo zaizkie.

Epaimahaiaren esku geratzen da sarien banaketa. Edozein sari eman gabe utzi dezake behar adinako kalitatea topatzen ez badu. Eta, bestalde, sariak erdibanatzeko aukera ere berea izango du, hala baderitzo. Sari horiez gain aipamen bereziak ere egon daitezke.

SARIBANAKETA

2025eko irailaren 14an egingo da Ordizian Euskal Jaien barruan.

EPAIMAHAI

Epaimahaia antolatzaileek, Ordiziako Udalaren oniritziarekin, antolatuko dute eta aurrez jakinaraziko dute nortzuk osatuko duten. Epaimahaiaren erabakiak aldaezinak izango dira.

LANEN JABETZA

Lan sarituen jabetza antolatzaileen esku geratuko da. Antolatzaileek eskubide osoa izango dute lan horiek argitaratzeko. Egileak bere lanak argitaratzeko asmorik izango balu, antolatzaileekin konpondu beharko luke.

INFORMAZIOA

Beste informaziorik edo behar izanez gero helbide honetara idatzi dezakezue: bertsoakargiberri@gmail.com